

四庫全書

子部

欽定四庫全書

子部
醫門法律卷五

詳校官人壽院醫官臣姜晟

編修臣倉聖脈覆勘

總校官編修臣王燕緒

校對官編修臣盧 遵

謄錄監生臣鄒世俊

欽定四庫全書

醫門法律卷五

南昌喻昌撰

中風門

論一篇

法四十一條

律六條

中風論

喻昌曰中風一證動關生死安危病之大而且重莫有過於此者內經風痺痿厥四證各有顛論獨風論中泛及雜風至論中風惟曰風中五藏六府之俞亦為藏府

之風各入其門戶所中則為偏風不過兩述其名而已
後論五藏并胃府之風亦但各述其狀而已賴仲景金
匱書表章先聖云夫風之為病當半身不遂或但臂不
舉者此為痺脈微而數中風使然又云寸口脈浮而緊
緊則為寒浮則為虛寒虛相搏邪在皮膚浮者血虛絡
脈空虛賊邪不瀉或左或右邪氣反緩正氣即急正氣
引邪喁僻不遂邪在於絡肌膚不仁邪在於經即重不
勝邪入於府即不識人邪入於藏舌即難言口流涎沫

又云寸口脈遲而緩遲則為寒緩則為虛營緩則為亡
血衛緩即為中風邪氣中經則身痒而癰疹心氣不足
邪氣入中則胸滿而短氣以及五藏風脈死證語語金
鍼大有端緒之可求矣仲景以後英賢輩出方書充棟
何反漫無取裁坐令中風一證鮮畫一之法治之百不
一效昌生也晚敢辭不敏逐條引仲內經仲景聖法為
治例而先立論以括其要焉然世咸知仲景為立方之
祖至中風證仲景之方首推侯氏黑散為主方後人罔

解其意謹并明之夫八風之邪皆名虛邪人身經絡營衛素盛者無從入之入之者因其虛而襲之耳內經謂以身之虛而逢天之虛兩虛相感其氣至骨入則傷五藏工候禁之不能傷也又謂賊風數至虛邪朝夕內至五藏骨髓外傷空竅肌膚靈樞亦謂聖人避邪如避矢石是則虛邪之來為害最烈惟良工知禁之聖哲知避之矣然風為陽邪人身衛外之陽不固陽邪乘陽尤為易入即如偏枯不仁要皆陽氣虛餒不能充灌所致又

如中風卒倒其陽虛更審設非陽虛其人必輕矯便捷
何得卒倒耶仲景之謂脈微而數微者指陽之微也數
者指風之熾也所出諸脈諸證字字皆本陽虛為言然
非仲景之言而內經之言也內經謂天明則日月不明
邪害空竅可見風性善走空竅陽虛則風居空竅漸入
府藏此惟離照當空羣邪始得畢散若胸中之陽不治
風必不出矣扁鵲謂號太子尸厥之病曰上有絕陽之
絡下有破陰之紐見五絡之絡於頭者皆謂陽絡而邪

阻絕於下其陽之根於陰陰陽相紐之處而正復破散於下故為是病古人立言之精若此仲景以後醫脈斬焉中斷後賢之特起者如劉河間則主火為訓是火召風入火為本風為標矣李東垣則主氣為訓是氣召風入氣為本風為標矣朱丹谿則主痰為訓是痰召風入痰為本風為標矣然一人之身每多兼三者而有之曷不曰陽虛邪害空竅為本而風從外入者必挾身中素有之邪或火或氣或痰而為標耶王安道謂審其為風

則從內經審其為火為氣為痰則從三子徒較量於彼此之間得非無權而執一耶且從三子固各有方論可守從內經果何著落耶中風門中大小續命湯及六經加減法雖曰治風依然後人之法也金匱取古今錄驗續命湯治風痺之身無痛而四肢不收者仲景所重原不在此所重維何則驅風之中兼填空竅為第一義也空竅一實庶風出而不復入其病瘳矣古方中有侯氏黑散深得此意仲景取為主方隨製數方輔其未備後

人目覩其方心炫其指詎知仲景所為心折者原有所
本乃遵內經久塞其空是謂良工之語耶觀方下云服
六十日止藥積腹中不下矣久塞其空豈不彰明哉後
人以無師之智爚亂成法中風之初治其表裏風邪非
不外出而重門洞開出而復入乃至莫禦者多矣又謂
一氣微汗一句微利要亦五十步之走耳正如築堤禦
水一句一氣正程功課效之日豈有姑且開堤泄水重
加板築之理哉是以後人委曲偏駁不似先聖直切精

粹諸家中風方論直是依樣葫蘆不足觀矣非然也三
人行必有我師况綜列羣方贊其所長核其所短俾學
者一簡勘而心地朗然坐進此道用之如鍾離丹熟銅
鐵皆金其師資於前賢豈不大耶謹論

中風之脈各有所兼兼則益造其偏然必顯呈於脈蓋
新風挾舊邪或外感或內傷其脈隨之忽變兼寒
則脈浮緊兼風則脈浮緩兼熱則脈浮數兼痰則脈
浮滑兼氣則脈沉濇兼火則脈盛大兼陽虛則脈微

亦大而空兼陰虛則脈數亦細如絲陰陽兩虛則微數或微細虛滑為頭中痛緩遲為營衛衰大抵陽浮而數陰濡而弱浮滑沉滑微虛散數皆為中風然虛浮遲緩正氣不足尚可補救急大數疾邪不受制必死無疑若大數未至急疾猶得不死經言風氣之病似七診而非故言不死可見大數為風氣必有之脈亦未可定為死脈耳

岐伯謂各入其門戶所中則為偏風仲景謂風之為病

當半身不遂或但臂不舉者此為痺脈微而數中風使然

門戶指入絡入經入府入藏言也經言百病之生必先於皮毛邪中之則腠理開開則邪入客於絡脈留而不去傳入於經留而不去傳入於府廩於腸胃此則風之中人以漸而深其人之門戶未至洞開又不若急虛卒中入藏之驟也仲景會其意故以臂不舉為痺敘於半身不遂之下謂風從上入臂先受之所

入猶淺也世傳大拇一指獨麻者三年內定中風則
又其淺者矣然風之中人必從榮衛而入風入榮衛
則榮脈改微衛脈改數引脈以見其人必血舍空虛
而氣分熱熾風之繇來匪伊朝夕也

內經言偏枯者不一曰汗出偏阻曰陽盛陰不足曰
胃脈內外大小不一曰心脈小堅急曰腎水虛靈樞
亦叙偏枯於熱病篇中皆不言風皆不言其本於何
邪豈非以七情饑飽房室凡能虛其藏氣致榮衛經

脈痺而不通者皆可言邪耶河間主火立說即腎水
虛陽盛陰不足之一端也東垣主氣立說即七情鬱
遏之一端也丹溪主痰立說即飲食傷脾之一端也
一病之中每多兼三者而有之安在舉一以括其他
乎經云不能問其虛安問其餘偏枯病陽盛陰不足
固有之而陽氣虛衰痺而不通者尤多可問其餘耶
中絡者肌膚不仁中經者軀殼重著中府即不識人中
藏即舌難言口流涎沫然中府必歸胃府中藏必歸心

藏也

中絡邪正入衛猶在經脈之外故但肌膚不仁中經則邪入於榮脈之中內而骨外而肉皆失所養故軀殼為之重著然猶在軀殼之間至入府入藏則離軀殼而內入邪中深矣府邪必歸於胃者胃為六府之總司也廩於腸胃非舉大小二腸並重蓋風性善行空竅水穀入胃則胃實腸虛風邪即迸入腸中少頃水穀入腸則腸實胃虛風復迸入胃中見胃風必奔

迫於二腸之間也風入胃中胃熱必盛蒸其津液結
為痰涎壅塞隧道胃之支脈絡心者纔有壅塞即堵
其神氣出入之竅故不識人也諸藏受邪至盛必迸
入於心而亂其神明神明無主則舌縱難言廉泉開
而涎沫也

偏枯病脈之遲緩見於寸口榮衛之行不逮也外則身
痒而癢疹內則胸滿而短氣榮脈內外邪氣充斥去府
不遠矣

脈之行度一晝一夜復朝寸口榮衛氣衰寸口之脈
遲緩不逮身痒癢疹非但風見於外由榮衛氣弱自
致津凝血滯也胸滿非獨風見於內由榮衛不行邪
混胸中阻遏正氣也榮衛氣衰邪之入府入藏孰從
禁之故以寸口脈辨其息數斯邪入之淺深可得而
諦之耳

昔人云中府多著四肢用一多字明是卜度之辭乃
遂執此語以當中府見症何其疎耶夫四末在軀殼

之外非府也若謂脾主四肢脾更屬藏而非府矣大抵風淫末疾但是風淫於內毋論中府中經中藏必四末為之不用其不專屬中府明矣

然則四肢何以不舉耶人身榮衛正行於軀殼之中者也風入榮衛即邪氣盛而本氣衰如樹枝得風非搖則折故知四肢不舉者榮衛之氣短縮不行所致也

中藏多滯九竅此亦卜度之辭五藏開竅於眼耳鼻

口舌固矣而前後二陰之竅又屬府不屬藏未可並舉也五藏非一齊俱中但以何竅不利驗何藏受邪差可耳然諸家舍外候別無內諦之法且無畫一之方又何疎耶蓋風中入藏關係生死安危辨症既不清用藥自不當故特引內經金匱與義詳之如左

風中五藏後世忽略諸家方論無津可問茲會經意以明其治經曰肺中於風多汗惡風時咳晝差暮甚診在翕上其色白此舉其外候也金匱曰肺中風狀口燥而

喘身運而重胃虛而腫脹則并詳其內證矣經曰死肺脈來如物之浮如風吹毛此形其浮散之狀也至金匱則曰肺死藏浮之虛按之弱如蔥葉下無根者死合沉以徵其浮而藏氣之存否始得渙然無疑矣大凡仲景表章內經皆自出手眼以述為作學者知他藏倣此風既中肺則火熱隨之耗其津液搏其呼吸口燥而喘勢有必至然未入之先已傷及榮衛所主之肌肉水穀所容之胃府逮風入肺而亂其魄運用之機盡

失故身運而重胃虛而腫脹等證相因互見也然藏氣未絕猶屬可生若脈見浮之而虛其藏真欲散可知加以有浮無沉按之弱如蔥葉則在上之陽不入於陰矣其下無根則孤陰且以漸而亡矣內經死陰之屬不過三日而死者正指此等無根之脈而言也

經曰肝中於風多汗惡風善悲色蒼嗑乾善怒時憎女子診在目下其色青金匱曰肝中風者頭目瞤而脇痛

行常偃令人嗜甘肝死藏浮之弱按之如索不來或曲如蛇行者死

風木之藏更中於風風性上搖必頭目瞤動風耗血液必筋脈縱急其死脈浮之弱按之如按索不來則浮沉之間陰陽已見決離或曲如蛇行仍是上下不動惟在中者儘力奔迫皆藏氣垂絕之象也

經曰心中於風多汗惡風焦絕善怒嚇病甚則言不可快診在口其色赤金匱分為二候其曰心中風者翕翕

發熱不能食心中飢食即嘔吐此外因也其曰心傷者
勞倦即頭面赤而下重心中痛而自煩發熱當臍跳其
脈弦此內因也心死藏浮之實如麻豆按之益躁疾者
死

心藏中風分之為二者其一以外入之風必從他藏
迸至心不受邪故也宜隨其藏氣兼去其風其一以
七情內傷神明真陰不守而心火炎上頭目發赤藏
真既從火上炎陰之在下者無陽以舉之則下重其

衛外之陽不得入通於心則發熱其受盛之府藏氣不交鬱而內鼓則當臍跳動死心脈內經形容不一仲景總會大意謂心藏垂絕之脈一舉一按短數而動浮沉不可息數之狀若此

經曰脾中風狀多汗惡風身體怠惰四肢不欲動色薄微黃不嗜食診在鼻上其色黃金匱曰脾中風者翕翕發熱形如醉人腹中煩重皮目潤潤而短氣脾死狀浮之大堅按之如覆杯潔潔狀如搖者死

風入脾藏為賊邪外掣皮目內亂意識四肢怠惰形如醉人有必至也加以胸中短氣脾藏之傷已見一斑若脈更來去至止不常浮之益大堅是為獨陽按之潔潔狀如搖是為獨陰故其動非活動轉非圓轉非藏氣之垂絕而何

經曰腎風之狀多汗惡風面癰然如腫脊痛不能正立其色焔隱曲不利診在肌上其色黑金匱闕此腎死藏浮之堅按之亂如轉丸益下八尺中者死

面龐然浮腫者腎氣不能蟄封收藏濁氣上干於面也脊痛不能正立者腎間生氣不鼓腰府憊而僂俯與隱曲不利同一源也金匱雖見缺文大要兩腎藏精宅神一身根本多慾致虛風最易入腰曲脊垂舌卷小便不禁皆其候也中腎從來兼此四者本實先撥可知然腎藏真陽腎基未壞真陽可居必無死脈若浮之而堅陽已離於陰位按之亂如轉丸則真陽搏激而出不能留矣若並下八尺中則真陽先去所

餘孤陰亦亂而下趨正所謂陽從上脫陰從下脫也
風中入藏最防迸入於心後世悉用腦麝引風入心尤
而效之莫有知其非者茲舉金匱二方以明其治

侯氏黑散 一治中風四肢煩重心中惡寒不足者外
臺用之以治風癲仲景製方皆匠心獨創乃於中風
證首引此散豈非深服其長乎夫立方而但驅風補
虛誰不能之至於驅之補之之中行其堵截之法則
非思議可到方中取用礬石以固澀諸藥使之留積

不散以漸填其空竅服之日久風自以漸而熄所以
初服二十日不得不用溫酒調下以開其痺著以後
則禁諸熟食惟宜冷食如此再四十日則藥積腹中
不下而空竅填矣空竅填則舊風盡出新風不受矣
蓋礬性得冷即止得熱即行故囑云熟食即下矣冷
食自能助藥力抑何用意之微耶

風引湯二 治大人風引少小驚癇瘕癰日數十發醫
所不療除熱方可見大人中風牽引少小驚癇瘕癰

正火熱生風五藏亢甚歸迸入心之候蓋驚癇之來
初分五藏後迸入心故同治也巢氏用此治腳氣豈
非以石性易於下達可勝其濕熱不使攻心乎夫厥
陰風木與少陽相火同居火發必風生風生必挾木
勢侮其脾土故脾氣不行聚液成痰流注四末因成
癱瘓用大黃為君以蕩滌風火熱濕之邪矣隨用乾
薑之止而不行者以補之用桂枝甘草以緩其勢用
諸石藥之瀉以堵其路而石藥之中又取滑石石膏

清金以伐其木赤白石脂厚土以除其濕龍骨牡蠣
以收斂其精神魂魄之紛馳用寒水石以助腎水之
陰俾不為陽光所劫更用紫石英以補心神之虛恐
主不安則十二官皆危也明此以治入藏之風游刃
有餘矣何後世以為石藥過多舍之不用而用腦麝
以散其真氣花蛇以增其惡毒智耶愚耶吾不解矣
按金匱風引湯當在侯氏黑散之下本文有正氣引
邪啁僻不遂等語故立方即以風引名之侯氏黑散

顓主補虛以熄其風北方兼主清熱火濕以除其風也集者誤次於寸口脈遲而緩之下則證與方不相涉矣

風中五藏其來有自藏氣先傷後乃中之火熱氣濕痰虛六賊勾引深入一旦卒倒無知通身牽引四末不用但得不死亦成癰瘕何藏先傷調之使平不令迸入於心乃為要也

五藏各藏一神不可傷之經謂神傷於思慮則肉脫

意傷於憂愁則肢廢魂傷於悲哀則筋攣魄傷於喜
樂則皮槁志傷於盛怒則腰膝難以俛仰是風雖未
入藏真先已自傷火熱氣濕痰虛迎之內入多汗惡
風等證因之外出治之難矣善治者乘風未入審其
何藏先傷何邪徹土綢繆最為扼要之法也

中風外證錯見不一風火相煽多上高巔風濕相搏多
流四末手足麻木但屬氣虛關節腫痺濕痰凝滯

偏正頭痛愈風丹

三

目蠕面腫胃風湯

四

風濕薏

苡仁湯五排風湯六麻木人參補氣湯七腫痺舒

筋散八

寒熱似瘧解風為宜風藏痰隧搜風最當

解風散九搜風丸十

經絡及府治分淺深表裏之邪大禁金石

中絡桂枝湯十一中經小續命湯加減十二表裏兼治

防風通聖散十三祛風至寶膏十四攻裏三化湯十五搜

風丸十六

左癱右瘓風入筋骨宣導其邪緩以圖之

舒筋保安散

十
六

卒中灌藥宜用辛香開痰行氣調入蘇合

南星湯調蘇合丸

十
七

順氣散

十
八

勻氣散

十
九

稀涎散

二
十

四肢不舉有虛有實陽明虛則宗筋失潤不能束骨而利機闕陽明實則肉理緻密加以風邪內淫正氣自不週流也

虛用六君子湯

二十

實用三化湯合承氣湯

二十

口眼喎斜邪急正緩左急治左右急治右先散其邪次

補其正

左急三聖散

二十

右急勻氣散

十

轉舌正舌方名雖美少陰脈繫舌本三年之艾不言標矣資壽解語猶為近之

轉舌膏

二十

正舌散

二十

資壽解語湯

二十

風初入府肌肉蠕瞤手足牽強面腫能食胃風宜投

胃風湯 二十

七

風初入藏發熱燥煩先用瀉青兼解表裏次用愈風磨

入四白

瀉青丸 二十

八

愈風湯 二十

九

四白丹 三十

十

養血豁痰枳鑿不入先其所急不宜並施

養血大秦朮湯 三十

一

當歸地黃湯 三十

二

天麻丸 三十

三

豁痰滌痰湯 三十

四

青州白丸子 三十

五

熱痰竹瀝煎

瀝湯 三十

六

貝母瓜蒌散 三十

七

陰虛夾痰千金地黃

湯

三十
八

心火內蘊膈中如燔涼膈清心功見一斑心血內虧恍惚不寐服二丹丸可以安睡火盛壯水勿辭迂緩水升火降枯回燥轉

涼膈散

三十
九

清心散

四十
十

二丹丸

四十
一

壯水地黃湯

四十
二

真陽上脫汗多肢冷氣喘痰鳴此屬不治黑錫三建引陽回宅水土重封虞淵浴日

黑錫丹

三四十

三建二香湯

四十

腎水泛痰真陽未脫治以星附十中九活

星附湯

五十

外風暴發內風易熾熱溉甘寒避居密室毋見可欲毋
進肥鮮謹調十日重享天年

世傳中風之人每遇外風一發宜進續命湯以禦之
殊為不然風勢纔定更用續命湯重引風入自添蛇
足也惟用甘寒藥頻頻熱服俾內不召風外無從入

之路且甘寒一可息風二可補虛三可久服何樂不用耶

律五條

凡風初中經絡不行外散反從內奪引邪深入者醫之過也

治中風壹如治傷寒不但邪在三陽引入三陰為犯大禁即邪在太陽引入陽明少陽亦為犯禁也故風初中絡即不可引之入經中經即不可引之入府中

府即不可引之入藏引邪深入釀患無窮乃至多死
少生可無戒歟

凡治中風自汗證反利其小便者此醫之過也

毋論風中淺深但見自汗則津液外出小便自少若
更利之使津液下竭則榮衛之氣轉衰無以制風火
之勢必增其煩熱而真陰日亡也況陽明經利其小
便尤為犯禁少陰經利其小便必失溲而殺人矣可
無戒歟

凡治中風病不明經絡府藏徒執方書妄用下法者必至傷人醫之罪也

風中經絡只宜宣之使散誤下則風邪乘虛入府入藏釀患無窮若夫中藏之候多有平素積虛藏真不守者下之立亡不可不慎惟在胃府一證內實便秘者間有可下然不過解其煩熱非大下也所謂一氣之微汗一旬之微利亦因可用始用之至於子和以下立法機要以中藏者宜下為言則指下為定法胡

可訓耶然中藏有緩急二候中府日久熱勢深極傳
入藏者此屬可下必使風與熱俱去填其空竅則風
不再生若開其瘀壅必反增風勢何以下為哉其卒
虛身中急證下藥入口其人即不甦矣可無辨歟後
世以中府之便祕指為中藏見其誤下不致損人益
信子和機要之法為可用設過真中藏證下不中病
難可復追矣

凡治中風四肢不舉證不辨虛實妄行補瀉者醫之過

也

四肢不舉皆屬脾土膏粱太過積食內壅者為脾土
瘀實宜瀉以開其壅食少體羸怠惰嗜卧者為脾土
虛衰宜補以健其運若不辨而實者補之虛者瀉之
寧不傷人乎

凡治外中於風不辨內挾何邪誤執一家方書冀圖弋
獲其失必多醫之過也

風邪從外入者必驅之使從外出然挾虛者非補虛

則風不出挾火者非清熱則風不出挾氣者非開鬱
則風不出挾濕者非導濕則風不出挾痰者非豁痰
則風不出河間東垣丹溪各舉一端以互明其治後
學不知變通但宗一家為主治倘一病兼此五者成
方果安在況不治其所有反治其所無寧不傷人乎

附風痺

法一條

岐伯謂中風大法有四一曰偏枯半身不遂二曰風痺
於身無痛四肢不收三曰風懿奄忽不知人四曰風痺

諸痺類風狀後世祖其說而無其治金匱有古今錄驗
三方可類推之

經謂內奪而厥則為風痺仲景見成方中有治外感
風邪兼治內傷不足者有合經意取其三方以示法
程一則曰古今錄驗續命湯再則曰千金三黃湯三
則曰近效白朮附子湯前一方治榮衛素虛而風入
者中一方治虛熱內熾而風入者後一方治風已入
藏脾腎兩虛兼諸痺類風狀者學者當會仲景意而

於淺深寒熱之間以三隅反矣

古今錄驗續命湯

四十

千金三黃湯

四十

近效白朮附子湯

四十

附風懿

按風懿曰奄忽不知人即該中風卒倒內金匱不重

舉其證意可知矣

附風痺

法七條

中風四證其一曰風痺以諸痺類風狀故名之也然雖

相類實有不同風則陽先受之痺則陰先受之耳致痺之因曰風曰寒曰濕互相雜合匪可分屬但以風氣勝者為行痺性善行故也以寒氣勝者為痛痺寒主收急故也以濕氣勝者為著痺濕主重滯故也

邪之所中五淺五深不可不察在骨則重而不舉在筋則屈而不伸在肉則不仁在脈則血凝而不流在皮則寒此五者在軀殼之間皆不痛也其痛者隨血脈上下寒凝汁沫排分肉而痛雖另名周痺亦隸於血脈之中

也骨痺不已復感於邪內舍於腎筋痺不已復感於邪
內舍於肝脈痺不已復感於邪內舍於心肌痺不已復
感於邪內舍於脾皮痺不已復感於邪內舍於肺此五
者亦非徑入五藏也五藏各有合病久而不去內舍於
其合也蓋風寒濕三氣雜合牽制非若風之善行易入
故但類於中風也

經論諸痺至詳然有大闕且無方治金匱補之一曰血
痺二曰胸痺三曰腎著四曰三焦痺

金匱論血痺謂尊榮人骨弱肌膚盛重困疲勞汗出卧不時動搖加被微風遂得之但以脈自微濡在寸口關上小緊宜鍼引陽氣令脈和緊去則愈 血痺陰陽俱

微寸口關上微尺中小緊外證身體不仁如風痺狀黃

芪桂枝五物湯主之

四十
九

經但言在脈則血凝而不流金匱直發其所以不流之故言血既痺脈自微濡然或寸或關或尺其脈見小緊之處即風入之處也故其鍼藥所施皆引風外

出之法也

金匱論胸痺脈證并方治繹明入二卷胸寒痺痛條下此不贅

金匱腎著之病其人身體重腰中冷如坐水中形如水狀反不渴小便自利飲食如故病屬下焦身勞汗出衣裏冷濕久久得之腰以下冷痛腹重如帶五千錢甘薑苓朮湯主之

十五

經但言骨痺不已復感於邪內舍於腎仲景知濕邪

不能傷腎藏之真不過舍於所合故以身重腰冷等證為言曰飲食如故曰病屬下焦意可知矣然濕土之邪賊傷寒水恐害兩腎所主生氣之源關係尤大故特舉腎著一證立方以開其痺著

金匱復有總治三痺之法今誤編厯節黃汗之下其曰諸肢節疼痛身體魁癰脚腫如脫頭眩短氣遇濕欲吐桂枝芍藥知母湯主之是也

五十

短氣中焦胸痺之候也屬連頭眩即為上焦痺矣遇

濕欲吐中焦痺也脚腫如脫下焦痺也肢節疼痛身
體魁癢筋骨痺也榮衛筋骨三焦俱病又立此法以
治之合四法以觀精微之蘊仲景真百世之師矣
治痺諸方不另立門姑附風門之後實與治風不同
不可悞施

痺症瑣屑不便立法者俱於用方條下發之宜逐方
細玩

律一條

凡治痺症不明其理以風門諸通套藥施之者醫之罪也

痺症非不有風然風入在陰分與寒濕互結擾亂其血脈致身中之陽不通於陰故致痺也古方多有用麻黃白芷者以麻黃能通陽氣白芷能行榮衛然已入在四物四君等藥之內非顛發表明矣至於攻裏之法則從無有用之者以攻裏之藥皆屬苦寒用之則陽愈不通其痺轉入諸府而成死症者多矣可無

明辯而深戒歟

風門雜法七條

鶴膝風者即風寒濕之痺於膝者也如膝骨日大上下肌肉日枯細者且未可治其膝先養血氣俾肌肉漸榮後治其膝可也此與治左右半身偏枯之證大同夫既偏枯矣急溉其未枯者然後既枯者得以通氣而復榮倘不知從氣引血從血引氣之法但用麻黃防風等散風之套藥鮮有不全枯而速死者故治鶴

膝風而亟攻其痺必并其足痿而不用矣此而論之
其治法不益明乎

右方治小兒鶴膝風用六味地黃丸加鹿茸牛膝共八
味不治其風其意最善蓋小兒非必為風寒濕所痺
多因先天所稟腎氣衰薄陰寒凝聚於腰膝而不解
從外可知其內也故以六味丸補腎中之水以鹿茸
補腎中之火以牛膝引至骨節而壯其裏擷之筋此
治本不治標之良法也舉此為例而推之

破傷風之證最難治人之壯盛者隨其外證用表裏中
三法及驅風之藥此無難也人之素弱及老人小兒
或因跌仆去血過多或因瘡口膿水淋漓未合風邪
乘虛深入血分者宜此治血痺之例四物湯中加去
風藥可也其元氣大虛不勝外風昏迷厥逆證屬危
急者先進獨參湯隨進星附湯
四十驅治虛風可也
其外科及軍中備急諸方皆為壯盛者而設預備以
俟破傷證隨即灌藥故其功效敏捷非方之有奇特

也倘風入既久必難為功矣欲為大醫備急諸藥不

可不蓄

和榮湯

七十

急風散

七十

獨聖散

七十

四

再論半身不遂口眼喎斜頭目眩運痰火熾盛筋骨時
疼乃原於血虛血熱挾痰挾火經絡肌表之間先已
有其病根後因感冒風寒或過嗜醇酒膏粱而助痰
火或惱怒而逆肝氣遂成此證其在於經絡肌表筋
骨之間尚未入於藏府者並以通榮衛為治如和榮

湯中有補血活血之功不至於滯有健脾燥濕消痰之能不致於燥又清熱運動疎風開經絡通腠理內固根本外散病邪王道劑也多服可以見功

凡治癘風之法以清榮衛為主其汗宜頻發血宜頻刺皆清榮衛之捷法也生蟲由於肺熱其清肅之令不行故由皮毛漸入腠理胃腸莫不有蟲清其金則蟲不驅自熄試觀金風一動旱魃絕蹤其理明矣然清肺亦必先清榮衛蓋榮衛之氣腐而不清傳入于肺

先害其清肅之令故也苦藥雖能瀉肺殺虫亦能傷胃不可久服胃者榮衛從出之源也久服苦寒榮衛轉衰而腐敗壅鬱不可勝言矣所以苦參丸之類榮衛素弱穀食不充之人不宜服也大楓子油最能殺蟲驅風然復過於辛熱風未除而目先壞者多矣其硫黃酒服之必致腦裂之禍又醉仙散入輕粉和未日進三服取其人昏昏若醉毒涎從齒縫中出癘未差而齒先落矣蓋除癘之藥服之近而少癘必不除

服之久且多癘雖除藥之貽害更大惟易老祛風丸
東坡四神丹二方可以久服取效取為法焉 祛風

丸

七十
五

四神丹

七十
六

要知脈風成則為癘然人之榮血正行於十二經脈之
中者也用平善之藥生血清熱為主驅風殺蟲為輔
更行汗之刺之之法無不愈者且非極意懲創之人
不可與治以戒色慾禁口腹二者非烈漢不能也

痛風一名白虎歷節風實即痛痺也經既言以寒氣勝

者為痛痺矣又言凡傷於寒者皆為熱病則用藥自
有一定之權衡觀金匱用附子烏頭必用於表散藥
中合桂枝麻黃等藥同用即發表不遠熱之義至攻
裏必遵內經不遠於寒可知矣諸家方中不達此義
即攻裏槩不遠熱獨千金犀角湯一方深有合於經
意特表之為例 犀角湯


七十

更有內熱因血虛熾盛始先表散藥中蚤已不能用
辛熱者即當取夏月治溫熱病之表法為例諸家復

無其方獨本事方中有牛旁子散先得我心亦并表

出 牛旁子散

七十
八



醫門法律卷五

欽定四庫全書

子部

醫門法律卷六

詳校官太醫院醫官臣姜晟

編修臣倉聖脈覆勘

總校官編修臣王燕緒

校對官編修臣盧遂

謄錄監生臣鄒世俊

欽定四庫全書

醫門法律卷六

南昌喻昌撰

中風門諸方

一 侯氏黑散 治大風四肢煩重心中惡寒不足者外
臺治風癰方論見前法中然以菊花為君亦恐
風邪乘虛迸入心藏故也

菊花

四十
分

白朮

十
分

細辛

三
分

茯苓

三
分

牡蠣

三
分

桔梗

八
分

防風

分十人參

分三礬石

分三黃芩

分三當歸

分三乾薑

分三芍

窮

分三桂枝

右十四味杵為散酒服方寸匕日三服初服二

十日用溫酒調服禁一切實肉大蒜常宜冷食

六十日止即藥積在腹中不下也熱食即下矣

冷食自能助藥力

二風引湯

除熱癰癰方論見前法中蓋風者外司厥

陰內屬肝木上隸手經下隸足經中見少陽相

火所以風自內發者由火熱而生也風生必害
中土土主四肢土病則四末不用聚液成痰癰
瘕者以風火挾痰注於四支故也觀金匱此方
可見非退火則風必不熄非填竅則風復生風
火一熾則五神無主故其用藥如此之周到也

大黃

乾薑

龍骨

各四兩

桂枝

三兩

甘草

牡蠣

各二

兩滑石

石膏

寒水石

赤石脂

白石脂

紫石英

各六兩

右十二味杵麤節以韋囊盛之取三指撮井花
水三升煮三沸溫服一升治大人風引少小驚
癇瘈瘲日數十發醫所不療除熱方 巢氏用
此方治腳氣

三
愈風丹 治諸風證偏正頭痛

防風通聖散四物湯黃連解毒湯各一料加

羌活 細辛 甘菊花 天麻 獨活 薄荷

何首烏

各一
兩

右為細末煉蜜丸如彈子大每服一九細嚼茶清下不拘時服

按外風與身中之火熱相合以陽從陽必上攻於頭然風火盛榮血必虧故其藥如是也

^四胃風湯 治虛風證能食手足麻木牙關急搐目內

蠕潤胃風面腫

升麻

白芷

各一錢二分

麻黃

葛根

各一錢

當歸

蒼

朮

甘草

炙

柴胡

羌活

藁本

黃柏

草豈

菴 蔓荊子

各五分

右水二盞薑三片棗一枚煎一盞去滓服

按風入胃中何以反能食蓋風生其熱即內經
痺成為消中之理也方中但去其風不去其熱
者以熱必隨風外解不必加治耳

^五薏苡仁湯 治中風手足流注疼痛麻痺不仁難以

屈伸

薏苡仁

錢三

當歸

芍藥

各一錢二分

麻黃

五分

官桂

五分

蒼

木

米泔水浸到
炒一錢五分甘草一分

右水二盞生薑七片煎八分去渣溫服食前下
自汗減麻黃有熱減官桂

按此為風濕相搏關節不利之證故用藥如是
也

六排風湯

治風虛冷濕邪氣入藏狂言妄語精神錯

亂及五臟風發等證

防風 白朮 當歸 芍藥 肉桂 杏仁 川

芎

白蘚皮

甘草

各一錢

麻黃

茯苓

獨活

各三

錢

右作二服每服水二盞薑三片煎七分去渣服
按虛風冷濕雖已入臟其治法必先宣之使從
外散故用藥如是也

七

人參補氣湯

治手指麻木

人參 黃芪

各二錢

升麻

柴胡

芍藥

生甘草

炙甘草

五味子

各五分

右水一盞煎至五分食遠臨睡服渣再煎

按諸陽起於指手指麻木風已見端宜亟補其氣以禦外入之風故用此為綢繆計也

八
舒筋保安散 治左癱右瘓筋脈拘攣身體不遂脚

腿少力乾濕脚氣及濕滯經絡久不能去宣導

諸氣

木瓜 兩五 草薢 五靈脂 牛膝 酒浸 續斷 白僵蠶

炒 松節 白芍藥 烏藥 天麻 威靈仙 黃

芪 當歸 防風 虎骨

酒炙各一兩

右用無灰酒一斗浸上藥二十七日緊封扎日足取藥焙乾搗為細末每服二錢用浸藥酒調下酒盡用米湯調下

按此治風濕搏結於筋脈之間凝滯不散阻遏正氣不得通行故用藥如是也

九
解風散 治風成寒熱頭目昏眩肢體疼痛手足麻痺上高壅滯

人參

兩半

麻黃

兩

川芎

獨活

細辛

甘草

兩各一

右為細末每服五錢水盞半生薑五片薄荷葉
少許煎八分不拘時服

按風成為寒熱乃風入胃中而釀榮衛之偏勝
第四方胃風湯正驅胃風使從外解之藥此因
風入既久胃氣致虛故以人參為君臣以麻黃
川芎佐以獨活細辛使以甘草而和其榮衛乃
可收其外解之功也若夫久風成為飧泄則風

已入於裏又當用人參為君桂枝白朮為臣茯苓甘草為佐使而驅其風於內此表裏之權衡內經之旨要也本方雖用風成寒熱四字漫無著落今并及之

十 搜風順氣丸 治風燥便秘因致氣閉不行暫時用之以疎風潤燥順氣殊不可少本方條下過於誇大謂久服百病皆除老者還少豈理也哉然又云孕婦勿服如服藥覺藏府微痛以羊肚肺

羹補之則其藥有偏峻不可久服明矣

車前子

一兩半

白檳榔

火麻子

微炒去壳

牛膝

酒浸

郁李

仁

湯炮去皮另研

兔絲子

製

乾山藥

各二兩

枳壳

麩炒

防風

獨活

各一兩

大黃

五錢半生半熟

右為末煉蜜為丸如梧桐子大每服二十九酒

茶米飲任下空心臨卧各一服去腸風宿滯并

腸風下血

十桂枝湯

治風從外來入客於絡留而不去此方主

之

桂枝

芍藥

甘草

生薑

各三錢

大棗

二枚

右用水盞半微火煎八分溫服須臾啜熱稀粥以助藥力溫覆令一時許遍身熱熱微似有汗者並佳詳見尚論太陽上篇

按此方為中風一證羣方之祖不但風中入絡即中經中府中藏藥中皆當加入本方以風從外入者究竟必驅從外出故也後人競用續命

湯為加減此方置之不錄未免得流忘源矣又
沉源流俱失者哉

十二小續命湯 治中風不省人事漸覺半身不遂口眼
歪斜手足戰掉語言蹇澀肢體麻痺精神昏亂
頭目眩暈痰火并多筋脈拘急不能屈伸骨節
煩疼不得轉側諸風服之皆驗脚氣緩弱久服
得瘥久病風人每遇天色陰晦節候變易預宜
服之以防暗啞

防風

桂心

黃芩

杏仁

去皮
火炒

芍藥

甘草

川芎

麻黃

去節
人參

各一錢
四分

防己

二錢

大附子

炮七
分

右咬咀作二貼每貼水盞半薑五片棗一枚煎

八分服

精神恍惚加茯神遠志

骨節煩疼有熱者去

附子倍芍藥無熱者倍官桂附子 心煩多驚

加犀角 嘔逆腹脹加半夏倍人參 煩躁大

便澀去附子倍芍藥加竹瀝 藏寒下利去防

己黃芩倍附子加白朮 自汗去麻黃杏仁加

白朮 脚膝弱加牛膝石斛 身痛加秦艽

腰痛加桃仁杜仲

薑汁炒

失音加杏仁

按此方無分經絡不辨虛實寒熱若不細辨加減難以取效今并錄易老六經加減法為例用方者師其意焉可矣

易老六經加減法

麻黃續命湯治中風無汗惡寒本方中麻黃杏

仁防風各加一倍

桂枝續命湯治中風有汗惡風本方中桂枝芍藥杏仁各加一倍二證皆太陽經中風也

白虎續命湯治中風有汗身熱不惡寒本方中加知母石膏各一錢四分去附子

葛根續命湯治中風身熱有汗不惡風本方中加葛根桂枝黃芩各一倍二證皆陽明經中風也

附子續命湯治中風無汗身涼本方中加附子
一倍乾薑甘草各一錢此證乃太陰經中風也
桂附續命湯治中風有汗無熱本方中加桂枝
附子甘草各一倍此少陰經中風也

羌活連翹續命湯中風六證混淆繫之於少陽
厥陰或肢節痠痛或麻木不仁本方中加羌活
連翹各一錢半

三防風通聖散 治諸風潮搐手足痠癱小兒急驚風

大便結邪熱暴甚肌肉蠕動一切風症

防風 川芎 當歸 芍藥 大黃 芒硝 連

翹 薄荷 麻黃 山梔子 石膏 桔梗 黃

芩 白朮 荊芥 甘草 滑石

各五分

右水二盞薑三片煎至八分服涎嗽加半夏生
薑製開結加大黃二錢破傷風加羌活全蝎各
五分腰脇痛加芒硝當歸各一錢

按此方乃表裏通治之輕劑用川芎當歸芍藥

白朮以和血益脾所以汗不傷表下不傷裏可

多服也

十
四祛風至寶膏 治諸風熱

防風

二兩半

白朮

一兩半

芍藥

二兩半

芒硝

五錢

石膏

一兩滑

石

三兩

當歸

二兩半

黃芩

一兩二

甘草

二兩

大黃

五錢連翹

芎

二兩半

麻黃

五錢不去節

天麻

一兩

荊芥

五錢

山梔子

五錢熟

地黃

一兩

黃柏

五錢

桔梗

一兩

薄荷

五錢

羌活

一兩

蠟

五錢

細辛

五錢

黃連

五錢

獨活

一兩

右為細末煉蜜丸彈子大每服一九細嚼茶酒
任下臨卧服

按此方亦表裏通治即前防風通聖散十七味
更加熟地黃益血人參益氣黃柏黃連除熱羌
活獨活天麻全蝎細辛去風乃中風門中不可
移易之顛方又非前通套泛用之方比也

五十不換金丹 退風散熱治中風口喎

荆芥穗 僵蠶 天麻 甘草 羌活 川芎

炙各一兩

白附子 烏頭

蝎梢

藿香葉

各半兩

薄荷葉

三兩

防風

一兩

右為末煉蜜丸彈子大每服一九細嚼茶酒任下塗噉處亦可

按此方祛風之力頗大至清火散熱殊未必然大勢風而挾寒痰氣窒閉者宜之

六三化湯 治中風外有六經之形證先以加減續命

湯主之內有便溺之阻隔此方主之

厚朴 大黃

枳實

羌活

各等分

每服一兩水煎

按此乃攻裏之峻劑非堅實之體不可輕服蓋傷寒證胃熱腸枯不得不用大承氣以開其結然且先之以小承氣調胃承氣恐誤用不當即傷人也在中風證多有虛氣上逆關隘阻閉之候斷無用大承氣之理古方取藥積腹中不下以漸填其空竅俾內風自熄奈何今人每開竅

以出其風究竟竅空而風愈熾長此安窮也哉

七攝生飲調蘇合丸 治一切卒中不論中風中寒中

暑中濕中氣及痰厥飲厥之類初作皆可用此
先以皂角去皮弦細辛生南星半夏為末吹入
鼻中俟其噴嚏即進前藥牙禁者中指點南星
半夏細辛末并烏梅肉頻搽自開

天南星

圓白者濕紙裏煨

南木香

蒼朮

細辛

甘草

生用

石菖蒲

各一錢

半夏

百沸湯炮少頃一錢半

石件剉散分二服水一盞半生薑七厚片煎取
其半乘熱調蘇合香丸半丸灌下痰盛者加全
蝎二枚灸

按此方治卒中氣閉痰迷不得不用之劇但正
氣素虛之人不能當腦麝及細辛摧枯拉朽之
勢裁節而用十之二三可也其牛黃清心丸與
蘇合丸異治熱阻關竅可用牛黃丸開之寒阻
關竅可用蘇合丸開之其口開手撒遺尿等死

症急用人參附子峻補間有得生者若牛黃蘇合之藥入口即斃此無異以千鈞鎮一絲也

八烏藥順氣散 治風氣攻注四肢骨節疼痛遍身頑

麻及癱瘓語言蹇澀脚氣步履多艱手足不遂先宜多服此藥以疎氣逆然後隨證投以風

藥

麻黃

去節

陳皮

去白

烏藥

去木各二兩

白僵蠶

炒去嘴

川芎

白芷

甘草

炙

枳殼

麩炒

桔梗

各一兩

乾薑

炮錢五

右為末每服三錢水一盞薑三片棗一枚煎憎
寒壯熱頭痛身體倦怠加蔥白三寸煎併服出
汗或身體不能屈伸溫酒調服

按中風證多挾中氣不但卒中急證為然凡是
中風證皆有之嚴用和云人之元氣強壯榮衛
和平腠理緻密外邪焉能為害或因七情飲食
勞役致真氣先虛榮衛空疎邪氣乘虛而入故
致此疾若內因七情而得者法當調氣不當治

風外因六淫而得者亦當先調氣後依所感六氣治之此良法也宜八味順氣散嚴氏此說於理甚當其用八味順氣散乃人參白朮茯苓甘草陳皮六君子湯中用其五加烏藥青皮白芷共八味為劑較前局方烏藥順氣散不用麻黃枳桔僵蠶等風藥正先治氣後治風之妙旨後人反惜其說有未備且謂方中不當雜入白芷吹毛責備詎知白芷香而不燥正和榮衛之善

藥也和劑合兩方取用乾薑人參川芎陳皮桔
梗厚朴白芷甘草白朮麻黃更加葛根治感風
頭痛鼻塞聲重尚為合宜故知論方不可橫以
已見也

九十
勻氣散 治中風中氣半身不遂口眼喎斜先宜服

此

白朮

二錢

天麻

五分

沉香

白芷

青皮

甘草

炙各三分

人參

五分

烏藥

半錢

紫蘇

木瓜

各三分

右水二盞薑三片煎八分服風氣腰痛亦宜服之

按勻氣之說甚長身內之氣有通無壅外風自不能久居而易於解散故知勻氣即調氣之旨非有兩也

二十
一 稀涎散 治風涎不下喉中作聲狀如牽鋸或中濕腫滿

半夏 大者十枚 猪牙皂角 一箇

右咀作一服水二盞煎一盞入生薑自然汁少許服不能嚥者徐徐灌之

按此以半夏治痰涎牙皂治風比而成方蓋因其無形之風挾有形之涎膠結不解用此二物俾涎散而風出也其有涎多難散又非小吐不可則用明礬合牙皂等分為末白湯調服吐之或用蘿蔔子合牙皂等分為末煎服半盞吐之其風多涎少人事不昏則用蝦半斤入醬蔥薑等

料物水煮先喫蝦次喫汁後以鵝翎探引吐之
活法在心無施不當也

二十
一 加味六君子湯 治四肢不舉屬於脾土虛衰者
須用如顓治其本不可加入風藥

人參 白朮 茯苓 甘草 陳橘皮 半夏

各一

錢 加竹瀝 半小 麥冬 三錢

右用水二盞薑三片棗二枚煎六分溫服口渴
去半夏加歲蕤石膏虛甚不熱者加附子

按中風門中從不錄用此方所謂治未而忘其本也夫風淫末疾四肢不舉乃風淫於內虛者多實者少審其果虛則以六君子加甘寒藥如竹瀝麥冬之屬允為治虛風之儀式也

二十

三化湯

見第十六方

按經謂土太過則令人四肢不舉此真膏粱之疾非肝腎經虛之比其治瀉令氣弱陽虛土平斯愈而用三化湯及調胃承氣湯然土實之證

十不見一非審諦無忒未可嘗試也

二十

三聖散

治中風手足拘攣口眼喎斜脚氣行步

不正

當歸

酒洗炒

玄胡索

微炒為末

肉桂

去粗皮等分

右為末每服二錢空心溫酒調下

按此方治血虛風入之顛癇也故取以治口眼

喎斜之左急右緩者然血藥中而加地黃白芍

秦艽杜仲牛膝風藥中而加天麻防風羌活白

芷細辛或加獨活以去腎間風加草薢以除下焦熱又在隨證酌量矣

勻氣散 見第十九

取其方以治口眼喎斜之右急左緩者然倍用生熟甘草加苡仁以緩其急加麥冬歲時竹瀝以熄其風得效去白芷蘇葉可常服也

四十 轉舌膏 治中風痰癰舌蹇不語

用涼膈散加菖蒲遠志各等分蜜丸彈子大硃

砂為衣薄荷湯化下臨卧或食後服 涼膈散

見第三十八方

按此乃治心經蘊熱之方也

三十

正舌散

治中風舌木強難轉語不正

蝎梢

去毒二
十七箇

茯苓

一兩

右為細末每服一錢食前溫酒調服又擦牙更
效

按此乃治風涎壅塞之方也

二十
六

資壽解語湯

治中風脾緩舌強不語半身不遂

防風

附子

炮

天麻

酸棗仁

各一錢

羚羊角

鎊

官

桂

各八分

羌活

甘草

各五分

右水二盞煎八分入竹瀝二匙薑汁二滴食遠

服

按此方乃治風入脾藏舌強不語之證至於少陰脈繫舌本腎虛風入舌不能言喫緊之後古今從無一方及之昌每用此方去羌防加熟地

何首烏枸杞子甘菊花胡麻仁天門冬治之獲
効今特識於此方之下聽臨病之工酌用焉

後檢

宣明方有地黃飲子治腎虛氣厥
厥至舌下先得我心補錄於四十

胃風湯 見第四方 治虛風證能食手足麻木牙

關急搐目內蠕睨胃風面腫

按虛風入胃反能食者乃風入而助其胃之火
熱故比平常食加進也比去瘴成為消中不遠
此方但治其風不治其火熱殊不合內經之旨

必於竹瀝麥冬花粉葳蕤石膏生地梨汁甘寒藥中加入升麻葛根甘草為劑始克有當況風既入胃內經述其五變曰厥巔曰寒熱曰消中曰飡泄曰癘風隨人之寒熱或上或下變病若此其可畏奈何不習不察徒欲檢方而治病耶有志於醫者自為深造無寄後人籬下可矣

二十
七

瀉青丸

治中風自汗昏冒發熱不惡寒不能安

卧此是風熱燥煩之故也

當歸 川芎 梔子 羌活 大黃 防風 龍

膽草

各等分

右為末蜜丸彈子大每服一九竹葉湯化下

按此方以瀉青為名者乃瀉東方甲乙之義也
風入厥陰風木之藏同氣相求其勢必盛所慮
者虛而眩運熱而燥煩虛也熱也其可以為壯
實而輕瀉之乎審果壯實乃可施此審屬虛熱
必以四物湯全方加人參竹瀝秦艽羌活八味

為劑始合法度也

二十

愈風湯

初覺風動服此不致倒仆此乃治未病

之聖藥也又治中風證內邪已除外邪已盡當服此藥以行導諸經久服大風悉去縱有微邪只從此藥加減治之然治病之法不可失於通塞或一氣之微汗或一旬之通利如此乃常服之藥也久則清濁自分榮衛自和矣

羌活

甘草

防風

當歸

蔓荊子

川芎

細辛 黃芪 枳壳 人參 麻黃 白芷 甘

菊 薄荷 枸杞子 知母 地骨皮 獨活

秦朮 黃芩 芍藥 蒼朮 生地黄

各四兩

肉桂

一兩

右咀每服一兩水二盞生薑三片空心煎服臨
卧煎滓服空心一服吞下二丹丸謂之重劑臨
卧一服吞下四白丹丸謂之輕劑 假令一氣
之微汗用愈風湯三兩加麻黃一兩作四服加

薑空心服以粥投之得微汗則住如一句之通
利用愈風湯三兩加大黃一兩亦作四劑如前
臨卧服得利為度此藥嘗服之不可失四時之
輔

春將至大寒後本方加半夏人參柴胡謂迎而
奪少陽之氣也

夏將至穀雨後本方加石膏黃芩知母謂迎而
奪陽明之氣也

季夏之月本方加防己白朮茯苓謂勝脾之濕也

秋將至大暑後本方加厚朴藿香肉桂謂迎而奪太陰之氣也

冬將至霜降後本方加附子官桂當歸謂勝少陰之氣也此藥四時加減臨病酌宜誠治風證之聖藥也

按此一方相傳謂是愈風之聖藥後人見其種

種敷陳次第有法駭以為奇而深信不疑及用之治病百無一愈蓋似是而非昌不得不為辨之其云初覺風動服此不致倒仆此乃治未病之聖藥也夫覺風勢初動不服端本澄原之藥以固護其榮衛反服風藥而招風取中以漢武之虛耗稱為成周之上理其誰欺乎又云內邪已除外邪已盡當服此以行導諸經久服大風悉去夫既內邪除外邪盡廣服補益以養其正

可也豈有久服此藥之理耶豈舍內邪外邪別
有大風當去耶何其自呈缺漏耶至於一旬道
利以本方一劑加大黃二錢或可若夫一氣微
汗計本藥分七十二劑每劑已用麻黃四分零
而此四劑中各加二錢五分如此重劑豈微汗
之劑耶方中發汗之藥已複用至十二味矣必
更重加麻黃始為微汗者何耶仲景用桂枝湯
解表恐其力輕故啜熱稀粥以繼之用麻黃湯

恐其力重多致亡陽多方回護豈有反投熱粥之理後人無識奉此為第一靈寶寧知其驕矜自用欺已欺人也哉

二十四白丹 清肺氣養魄中風多昏冒緣氣不清利

也

白朮 白茯苓 人參 宿砂 香附 甘草

防風 川芎 白芷 白檀香 知母 羌

錢各五

兩一

錢一

錢二

活 薄荷 獨活 細辛 麝香 牛黃 龍

錢各二

錢半

錢二

錢二

腦

各五分
俱另研

藿香

錢
半甜竹葉

右為細末煉蜜為丸每兩作十九臨睡嚼一九煎愈風湯送下上清肺氣下強骨髓

按此方頗能清肺養魄方中牛黃可用而腦麝在所不取以其耗散真氣治虛風大非所宜然本方以四君子湯作主用之不為大害今更定牛黃仍用五分龍腦麝香各用二分取其所長節其所短庶幾可也其他犯腦麝諸方一概不

錄如牛黃清心丸四君子藥中甘草加至四倍
其意亦善彷彿此為例腦麝裁酌用十之二足可
備清心寧神之用其粵中蠟丸腦麝原少且經
久蓄品味和合用時仍濃煎甘草湯調服為善
方不贅

三
十大秦朮湯 治中風外無六經之形證內無便溺之
阻隔知血弱不能養筋故手足不能運動舌強
不能言語宜養血而筋自柔

秦艽

石膏

各一錢

甘草

川芎

當歸

芍藥

羌活

獨活

防風

黃芩

白芷

生地黄

熟地黄

白朮

茯苓

各七分

細辛

五分

春夏加知

母一錢

右水二盞煎如遇天陰加薑七片心下痞加枳

實五分

按此方既云養血而筋自柔何得多用風燥之藥既欲靜以養血何得用風以動之是其方與

言悖矣偶論三化湯愈風湯及大秦朮湯三方
為似是而非及查三方皆出機要方中云是通
真子所撰不知其姓名然則無名下士燭亂後
人見聞非所謂一盲引衆盲耶業醫者當深入
理要自具隻眼可矣

三十
一 養血當歸地黃湯

當歸 地黃 川芎 芍藥 藥本 防風 白

芷錢各一細辛

五分

右水二盞煎一盞通口食前溫服

按此出拔萃方中用血藥風藥各四味半潤半燥亦不善於立方者矣即謂治本不可忘標四物湯中加風藥一味足矣因以此藥遍索諸方適良方中有六合湯一方治風虛眩運先得我心用四物各一兩秦朮羌活各半兩雖用風藥二味其分兩則仍一味也舉此為例方不重贅

三十
二 天麻丸 治風因熱而生熱盛則動宜以靜勝其

燥是養血也此藥行榮衛壯筋骨

天麻

牛膝

二味用酒同浸三日焙乾用

草薢

玄參

各四兩

杜

仲

炒去絲七兩

附子

炮一兩

羌活

四兩

當歸

十兩

生地黃

一兩

方有獨活四兩去腎間風

右為細末煉蜜丸梧桐子大每服五七十丸空

心溫酒或白湯下良久進食服藥半月後覺塞

壅以七宣丸疎之

按此方大意主治腎熱生風其以天麻入牛膝

同製取其下達倍用當歸地黄生其陰血革解
玄參清下焦之濕熱附子補下焦之真陽蓋惟
腎中陽虛故風得以久據其地也用羌活之獨
本者即真獨活不必更加也吁嗟多慾之人兩
腎空虛有如烏風洞慘慘黯黯漫無止息環視
風門諸藥有一能勝其病者乎此方雜在羣方
內未易測識特表而出之

三十
滌痰湯 治中風痰迷心竅舌強口不能言

南星薑煮半夏

炮七次

枳實

一錢

白茯苓

一錢半

橘紅

一錢

石菖蒲

八分

人參

竹茹

各七分

甘草

五分

石水二盞生薑五片煎八分食前服

按此證最急此藥最緩未免有兩不相當之弊
審其屬熱此方調下牛黃清心丸審其屬虛此
方調下二丹丸庶足以開痰道竅也

三十

青州白丸子

治男子婦人手足癱瘓風痰壅盛

嘔吐涎沫及小兒驚風并治

白附子

二兩生用

半夏

七兩水浸去衣生用

南星

二兩生

川烏

去皮臍五

錢生

右羅為末生絹袋盛於井花水內擺出粉未出者以手揉令出查再搗再擺以盡為度用磁盆日中曝夜露每日一換新水攪而後澄春五夏三秋七冬十日去水曬乾如玉片以糯米粉作稀糊丸如菉豆大每服二十九生薑湯下無時如癰瘰酒下小兒驚風薄荷湯下三五丸

按此方治風痰之上藥也然藥味雖經製煉溫性猶存熱痰迷竅非所宜施

三十
五

竹瀝湯 治四肢不收心神恍惚不知人事口不

能言

竹瀝

升二

生葛汁

升二

生薑汁

合二

右三汁和勻分溫三服

按人身之積痰積熱常招致外風結為一家令人心神恍惚如邪所憑實非邪也消風清熱開

痰其神自安此方可頻服也

三十
六

貝母瓜蒌散 治肥人中風口眼喎斜手足麻木

左右俱作痰治

貝母 瓜蒌 南星 炮 荊芥 防風 羌活 黃

蘗 黃芩 黃連 白朮 陳皮 半夏 湯炮七次 薄

荷 甘草 炙 威靈仙 天花粉 各等分

右每服水二盞薑三片煎八分至夜服

按中風證多挾熱痰而肥人復素有熱痰不論

左右俱作痰治誠為當矣但肥人多虛風瘦人多實火虛風宜用甘寒一派如竹瀝人參麥冬生地生葛汁生梨汁鮮淡竹葉汁石膏瓜蒌葦蕤胡麻仁等藥此方三黃並用治瘦人實火或可治肥人虛風甚不宜也至泛論治熱痰之藥諸方中又惟此足擅其長存之以備實火生風生痰之選

三十
七

千金地黃湯

治熱風心煩及脾胃熱壅食不下

生地黃汁

枸杞子汁

升各五

真酥

生薑汁

升各一

荊瀝

竹瀝

升各五

人參

兩八

白茯苓

兩六

天門冬

兩八

大

黃

梔子

兩各四

右十一味以後五味為細末先煎地黃等汁內末藥調服方寸匙再漸加服以利為度

按此方補虛清熱潤燥滌痰除風開通瘀塞美善具備誠足貴也因養血豁痰難於兩用姑舉此方為例以聽臨症酌量又四肢不舉脾土屬

虛屬實分途異治苟其虛實不甚相懸此方更在所必用法無窮盡人存政舉未易言耳

三十

涼膈散

治心火上盛膈熱有餘目赤頭眩口瘡

唇裂吐衄涎嗽稠粘二便淋閉胃熱發斑小兒驚急潮搐瘡疹黑陷大人諸風痰癰手足掣搦筋攣疼痛

連翹 梔子仁 薄荷 大黃 芒硝 甘草
黃芩

右水二盞棗一枚蔥一根煎八分食遠服

三十
九
清心散即涼膈散加黃連

右水盞半加竹葉十片煎八分去渣入蜜少許
溫服頭痛加川芎防風石膏

按中風證大勢風木合君相二火主病多顯膈
熱之證古方用涼膈散最多不但二方已也如
轉舌膏用涼膈散加菖蒲遠志如活命金丹用
涼膈散加青黛藍根蓋風火之勢上炎胸膈正

燎原之地所以清心寧神轉舌活命涼膈之功
居多不可以宣通腸胃之法輕訾之也

^{十四}地黃飲子宣明方 治舌瘡不能言足癱不能用腎

虛弱其氣厥不至舌下

熟地黃

巴戟

去心

山茱萸

肉蓯蓉

酒浸焙

石斛

附子

炮

五味子

白茯苓

菖蒲

遠志

去骨

官桂

麥冬

各等分

右為末每服三錢生薑五片棗一枚薄荷七葉

水一盞半煎八分服無時

按腎氣厥不至舌下乃藏真之氣不上榮於舌本耳至其濁陰之氣必橫格於喉舌之間吞咯維艱昏迷特甚又非如不言之證可以緩調方中所用附桂已從原為驅逐濁陰而設用方者不可執已見而輕去之也

四十一

三因白散子 治肝腎中風涎潮壅塞不語嘔吐痰沫頭目眩暈兼治陰症傷寒六脈沉伏及霍

亂吐瀉小便淋滴不通

大附子

去皮臍生

滑石

桂府者各五錢

製半夏

七錢半

右為末每服二錢水二盞薑七片蜜半匙煎七分空心冷服

按此方甚超但不明言其所以然且引兼治陰症傷寒霍亂吐瀉等證為言轉覺泛而不精矣蓋此即上條昌所論濁陰上逆之證緣肝腎之氣厥逆而上是以涎潮壅塞舌瘖不語痰沫吐

咯難出頭目重眩故非附子不能驅其濁陰然
濁陰走下竅者也濁陰既上逆其下竅必不通
故用滑石之重引濁陰仍順走前陰之竅亦因
附子雄入之勢而利導之也更慮濁陰遇胸中
之濕痰兩相留戀再加半夏以開其痰庶涎沫
與濁陰俱下方中具有如此之妙義而不明言
以教後人殊可惜也

四十
二丹丸 治風邪健忘養神定志和血內安心神

外華腠理得睡

丹參

熟地黃

天門冬

去心各兩半

硃砂

人參

菖蒲

遠志

各五錢

茯神

麥門冬

甘草

各一兩

右為細末煉蜜為丸桐子大每服五十丸至一百丸空心食前服

按中風證心神一虛百骸無主風邪擾亂莫繇驅之使出此方安神並虛養血清熱息風服之安睡功見一斑矣相傳用愈風湯吞下殊失用

方之意

四十
三
稀簽丸 治肝腎風氣四肢麻痺骨痛膝弱風濕

諸瘡

右以稀簽草五月五日六月六日採葉九蒸九
曝凡蒸用酒蜜洒晒乾為末蜜丸桐子大空心
酒下百丸

按稀者猪也其畜屬亥乃風木所生之始故取
用其葉以治風凡腎藏生風之證服此其效最

著江寧節度使成訥知益州張詠兩以方藥進
獻至尊訥以弟訢中風伏枕五年一道人傳此
方服之愈詠以掘地得碑製服十服髭鬚烏黑
筋力輕健見都押衙羅守一中風墜馬失音不
語與藥十服其病立瘥又和尚智嚴年七十或
患偏風口眼喎斜時時吐涎與十服亦便得瘥
古今用此獲效者最多然莫知其所以然也其
妙處全在氣味之發劣與腎中之腥臊同氣相

求故能入腎而助其驅逐陰風之力也因治腎風之方百不得一特錄此丸合前天麻丸兩發其義也

四十

黑錫丹

治真元虛憊陽氣不固陰氣逆沖三焦

不和冷氣刺痛飲食無味腰背沉重膀胱久冷夜多小便女人血海久冷赤白帶下及陰證陰毒四肢厥冷不省人事急用棗湯吞一百粒即使回陽此藥大能升降陰陽補虛益元墜痰除

濕破癖

沉香

葫蘆巴

酒浸炒

附子

炮

陽起石

研細水飛各一兩

肉

桂

半兩

破故紙

舶茴香

肉豆蔻

麩裏煨

木香

金

鈴子

蒸去皮核各一兩

硫黃

黑錫

去滓秤各二兩

右用黑盞或鐵銚內如常法結黑錫硫黃砂子

地上出火毒研令極細餘藥並細末和勻自朝

至暮以研至黑光色為度酒糊丸如梧子大陰

乾入布袋內擦令光瑩每四十九空心鹽薑湯

或棗湯下女人艾葉棗湯下急症用百丸

按此方用黑錫水之精硫黃火之精二味結成
靈砂為君諸香燥純陽之藥為臣用金鈴子苦
寒一味為反佐用沉香引入至陰之分為使凡
遇陰火逆沖真陽暴脫氣喘痰鳴之急症舍此
藥再無他法可施昌每用小囊佩帶隨身恐遇
急症不及取藥且欲以吾身元氣溫養其藥藉
手效靈厥功厯厯可紀即如小兒佈痘與此藥

迴無相涉然每有攻之太過如用蜈蚣穿山甲
桑蠶之類其痘雖勃然而起然頭面遍身腫如
瓜匏瘡形濕爛難乾乃至真陽上越氣喘痰鳴
兒醫撒手駭去昌投此丸領其陽氣下入陰中
旋以大劑地黃湯峻補其陰以留戀夫真陽肌
膚之熱反清腫反消濕爛反乾而成厚靨如此
而全活者不知凡幾因附本方項下以廣用方
者之識

五十四

三建二香湯

治男婦中風六脈俱虛舌強不語痰

涎壅盛精神如癡手足偏廢此等不可攻風只

可補虛

天雄

附子

烏頭

各二錢俱去皮臍生用

沉香

木香

各一

錢俱水磨汁

右作二服每服水盞半薑十片煎七分食前服

按此方天雄附子烏頭同時並用其生者不加

炮製惟恐縛益賁之手莫能展其全力耳必因

其人陰邪暴甚埋沒微陽故用此純陽無陰一
門三將領以二香直透重圍驅逐極盛之陰拯
救將絕之陽此等大關雖有其方能用者罕方
下妄云治中風六脈俱虛又云不可攻風只可
補虛全是夢中說夢誤人最大當知此證其脈
必微而欲絕不可以虛之一字漫無著落者言
脈其方更猛悍毒厲不可以補虛二字和平無
偏者言方此方書所為以盲引盲耶

四十
六

星附散

治中風能言口不歪而手足蹉曳者

南星

半夏

各製

茯苓

僵蠶

炒

川烏

去皮臍

人參

黑附子

白附子

各八分

右水二盞煎八分食遠熱服得汗愈

按此方乃治虛風寒痰之主藥也風虛則熾痰
寒則壅阻遏脾中陽氣不得周行故手足為之
蹉曳用此方熱服以助脾中之陽俾虛風寒痰
不相互結乃至得汗則風從外出痰從下出分

解而病愈矣凡用附子藥多取溫冷謂熱因寒
用也此用烏頭附子人參一派溫補絕無發散
之藥向非加以熱服亦胡繇而得汗耶敬服敬
服

四十

古今錄驗續命湯 治中風痲身體不能自收口
不能言冒昧不知痛處或拘急不得轉側

麻黃 桂枝 當歸 人參 石膏 乾薑 甘

草 各三

兩 芍藥

杏仁

四十枚

右九味以水一斗煮取四升溫服一升當小汗
薄覆脊憑几坐汗出則愈不汗更服無所禁勿
當風并治但伏不得卧咳逆上氣面目浮腫

按此合後三方金匱取用之意已發之於本條
下今細玩此方細詳其證乃知痲即痺之別名
也風入而痺其榮衛即身體不能自收口不能
言冒昧不知痛處或拘急不能轉側也然榮衛
有虛有實虛者自內傷得之實者自外感得之

此方則治外感之痺其榮衛者故以得小汗為貴然已變越婢之制而加芎歸養血人參益氣矣其內傷而致榮衛之痺者於補氣血藥中略加散風藥為制更可知矣

四十
千金三黃湯 治中風手足拘急百節疼痛煩熱
心亂惡寒經日不欲飲食

麻黃

五分

獨活

四分

細辛

二分

黃芪

二分

黃芩

三分

右五味以水六升煮取二升分溫三服一服小

汗二服大汗心熱加大黃二分腹滿加枳實一
枚氣逆加入參三分悸加牡蠣三分渴加栝蒌
根三分先有寒加附子一枚 分字當作去聲
讀

按此方治風入榮衛肢節之間擾亂既久證顯
煩熱惡寒不食邪盛正虛可知其用麻黃為君
以麻黃能通陽氣而開痺也故痺非得汗不開
然內虛當慮須用參芪以佐之而虛復有寒熱

之不同虛熱則用黃芩虛寒則加附子此仲景所以深取之也

九十 近效白朮附子湯 治風虛頭重眩苦極不知食

味暖肌補中益精氣

白朮

兩附子

一枚半炮
去皮臍

甘草

一兩
炙

右三味剉每五錢匕薑五片棗一枚水盞半煎七分去滓服

按此方治腎氣空虛之人外風入腎恰似烏洞

之中陰風慘慘晝夜不息風挾腎中濁陰之氣
厥逆上攻其頭間重眩之苦至極難耐兼以胃
氣亦虛不知食味故方中全不用風門藥但用
附子暖其水藏白术甘草暖其土藏水土一暖
則濁陰之氣盡趨於下而頭苦重眩及不知食
味之證除矣試觀冬月井中水暖土中氣暖其
陰濁之氣且不能出於地豈更能加於天乎製
方之義可謂精矣此所以用之而獲近效耶

五史國公浸酒方 治諸風五痺左癱右瘓口眼喎斜

四肢疼痛七十二般風二十四般氣其效不可

盡述

當歸

虎脰骨

酥油炙

川羌活

川草薢

防風

各二

兩秦朮

四兩鼈甲

一兩醋炙

川牛膝

酒浸

松節

晚蠶砂

炒各

二兩枸杞子

五兩乾茄根

八兩上蒸熱

蒼耳子

飯

搥碎

四兩炒

右十三味用無灰酒一大罇將絹袋盛藥懸於

酒內密封固候十四日後開罇取酒取時不可

面對罈口恐藥氣沖人面目每飲一盞勿令藥力斷絕飲盡病痊將藥渣晒為末米糊丸梧桐子大每服八十九空心溫酒下忌食動風辛熱物此藥可以常服

按治風治痺藥酒方亦不可少此方平中之奇功效頗著後有增入白花蛇一條者此又以腸胃漫試其毒吾所不取

痺證諸方

一五十三痺湯 治血氣凝滯手足拘攣風寒濕三痺

人參 黃芪 當歸 川芎 白芍藥 生地黃

杜仲 薑汁炒 川續斷 防風 桂心 細辛 白

茯苓 秦朮 川牛膝 川獨活 甘草 各等分

右水三盞生薑三片棗一枚煎五分不拘時服

按此用參芪四物一派補藥內加防風秦朮以
勝風濕桂心以勝寒細辛獨活以通腎氣凡治
三氣襲虛而成痺患者宜准諸此

五十

痺在上用桂枝五物湯

黃芪

兩

桂枝

兩

芍藥

兩

生薑

兩

大棗

枚

十二

右五味以水六升煮取二升溫服七合日三服

一方有人參

按此乃金匱治血痺之方也血痺而用桂枝湯加黃芪以其風邪獨勝風性上行故其痺在上也其脈微瀯寸口關上小緊緊處乃邪著之驗也然又曰寸口關上微尺中小緊外症身體不

仁如風痺狀此方主之又可見風性善行隨其
或上或下一皆主以此方矣

五十

痺在臂用十味剉散

原治中風血弱臂痛連及

筋骨舉動難支

附子

炮

黃芪

當歸

白芍藥

各一錢

川芎

防風

白朮

各七分

茯苓

肉桂

各五分

熟地黃

酒洗焙乾二錢

右水二盞薑三片棗二枚食後臨卧服

按臂痛乃筋脈不舒體盛者可去其筋脈中之

風然既已血痺所受風燥之累不淺故取此方
養血之中加附子之力通其陽氣而用防風反
佐黃芪出其分肉腠理之風也

五十

痺在手足風淫末疾則用烏頭粥 原治風寒濕

麻木不仁

烏頭

生研
為末

每用香熟白晚米二合入藥末四錢同米以砂
確煮作稀粥不可太稠下生薑汁一匙白蜜三

匙攪勻空心溫啜之為佳如中濕多更加薏苡仁末三錢服此粥大治手足不隨及腫痛不能舉者服此預防之

按四肢為諸陽之本本根之地陽氣先已不用況周身經絡之末乎故用烏頭合穀味先從榮衛所生之地注力俾四末之陽以漸而充也用方者知之

五十

痺在手足濕流關節則用薏苡湯 原治手足流

注疼痛麻木不仁難以屈伸

薏苡仁 當歸 芍藥 桂心 麻黃

各一錢

甘草

五分 蒼朮

米泔浸炒二錢

右水二鍾薑五片煎八分食前服有汗去麻黃
有熱去桂心

按此方以薏苡仁為君舒筋除濕其力和緩當
三倍加之至於麻黃雖能通其陽氣然在濕勝
方中即無汗不可多用減大半可也

五十

痺在身半以下用通痺散 原治腰以下至足風

寒濕三氣合而成痺兩足至臍冷如水不能自舉或因酒熱立冷水中久成此疾

天麻 獨活 當歸 川芎 白朮 藁本

等分

右為細末每服二錢熱酒調下

按此方因風寒濕三氣混合入于陰股其邪已過于榮衛故變桂枝五物之制而用此散緩緩分出其邪也

五十
七

痺在遍身走痛無定用控涎丹 原治人忽患胸

背手脚腰胯痛不可忍牽連筋骨坐卧不寧走
痛無定乃痰涎伏在胸膈上下變為此疾或令
人頭重不可舉或神意昏倦多睡或飲食無味
痰唾稠粘口角流涎卧則喉中有聲手脚腫痺
氣脈不通疑似癰瘰但服此藥數服其病如失

甘遂 大戟 白芥子

右等分為末麴丸桐子大食後臨卧薑湯下五

七九或十九量人服

按風寒濕三痺之邪每藉人胸中之痰為奧援
故治痺方中多兼用治痰之藥昌於中風第四
十一方取用三因白散子之用半夏已見大意
但彼治濁氣上千此治濁痰四注以濁痰不除
則三痺漫無寧宇也凡遇痰積極盛之症此方
亦不可少實非謂子和之法足勝治痺之用也
學者辨諸

五十
又方用

白茯苓

兩二半
夏

兩四枳殼

兩一風化硝

錢三

薑汁糊丸梧桐子大每服五十丸薑湯下然治
痺以開通陽氣補養陰血為貴著意治痰必轉
燥其血不可以為此善于彼而瀆用之矣

五十
痺在脈用人參丸

人參 麥門冬 茯神 赤石脂 龍齒 石菖

蒲 遠志

黃芪

兩各一

熟地黃

兩二

右為末煉蜜和搗五百杵為丸梧桐子大每服
三十丸食遠清米飲送下

按心主脈內經脈痺不已復傳於心可見五藏
各有所主各有所傳也此方安心神補心血先
事預防功效更敏加當歸甘草蘆朮粳米汁煎
服更效

^{十六}痺在胸用括婁薤白半夏湯 治胸痺不得卧心痛

徹背

栝蒌實

一枚

薤白

三兩半

夏白酒

四升

右四味同煮取一升五合分三服溫酒半升一

日服之

按胸痺之症人所通患仲景於金匱出十方以治之然不明言也蓋胸中如太空其陽氣所過如離照當空曠然無外設地氣一上則窒塞有加故知胸痺者陽不主事陰氣在上之候也仲景微則用薤白白酒以通其陽甚則用附子乾

薑以消其陰以胸痺非同他患補天浴日在醫
之手眼耳後世總不知胸痺為何病昌特發明
於乙集胸寒痺痛條下文學錢尊王胸中不舒
者經年不能自名其狀頗以為慮昌授以薤白
湯次日云一年之病一劑而頓除抑何神耶昌
不過以仲景之心法為法耳何神之有然較諸
家之習用白豆蔻廣木香訶子三稜神麴麥芽
等藥坐耗其胸中之陽者亦相懸矣

六十
一 痺在胞用腎瀝湯 原治胞痺小腹急痛小便赤

澀

麥門冬

五加皮

犀角

鎊各一錢

杜仲

桔梗

赤

芍藥

木通

各一錢五分

桑螵蛸

箇一

右水盞半加入羊腎一隻去脂膜切細竹瀝少

許同煎一盞去渣空心頓服日再服 一方有

桑皮無螵蛸

按此方名腎瀝者形容其胞中之氣痺而不化

外腎之溺滴漚不出之苦也乃因虛熱壅其膀
胱肺氣不能下行所致桑皮桑蛸咸為治肺而
設此方大意聊見一斑不可誤認為其人內腎
素虛而小便淋漓也

六十

二 痺在腸用吳茱萸散 原治腸痺寒濕內搏腹痛
滿氣急大便飧泄

吳茱萸

湯炮
焙乾

乾薑

炮

甘草

炙

肉豆蔻

煨各
五錢

砂仁

神

麴

白朮

各一
兩

厚朴

薑汁
炒

陳皮

良薑

右為末每服一錢食前米飲下

按腸痺之證總關於脾胃寒邪濕邪先傷其太陰之脾風邪先傷其陽明之胃太陰傷故腹滿陽明傷故飧泄內經謂胃風久蓄為飧泄明非朝夕之故也脾胃有病三痺互結於腸此宜以辛辣開之非如胞痺為膀胱之熱當用清涼之比矣

六十

痺在筋用羚羊角散

原治筋痺肢節束痛

羚羊角 薄荷 附子 獨活 白芍藥 防風

川芎

各等分

右水盞半薑三片煎五分服

按此方治筋痺之義美則美矣未盡善也以七
味各用等分漫無君臣佐使之法耳蓋筋痺必
以舒筋為主宜倍用羚羊角為君筋痺必因血
不榮養宜以白芍川芎更加當歸為臣然恐羚
角性寒但能舒筋不能開痺必少用附子之辛

熱為反佐更少用薄荷獨活防風入風寒濕隊
中而為之使可也用方者必須識此

六十
四

痺在皮用羌活湯 原治皮痺皮中狀如蟲走腹
脇脹滿大腸不利語不出聲

羌活

細辛

附子

泡去皮臍

沙參

羚羊角

鎊

白朮

五加皮

生地黄

官桂

枳殼

麩炒

麻黃

去節

白

蒺藜

杏仁

丹參

革薢

五味子

石菖蒲

木通

檳榔

郁李仁

泡去皮

赤茯苓

各等分

石水盞半薑五片煎七分不拘時溫服

按皮痺不已傳入於肺則製方當以清肺氣為主此方雜沓不適於用今取沙參羚羊角麻黃杏仁白蒺藜丹參五味子石菖蒲八味去羌活細辛附子白朮五加皮生地黃官桂枳殼葶藶木通栝榔郁李仁赤茯苓九味而加石膏以清肺熱甘草以和肺氣更加乾薑少許為反佐以乾薑得五味子以收肺氣之逆也

六十
五

熱痺用升麻湯 原治熱痺肌肉極熱體上如鼠

走唇口反縮皮毛變紅黑

升麻

三錢

茯苓

人參

防風

犀角

鎊

羚羊角

鎊

羌活

各一錢

官桂

三分

右水二鍾薑三片入竹瀝半酒盞不拘時服

按此方乃劉河間所製後人治熱病遵用河間
誠足法矣方中以升麻為君除陽明肌肉之熱
然熱甚必亂其神識故以人參茯苓犀角羚羊

角為臣而協理之以官桂三分為反佐以羌防
為使如秋月寒潭碧清可愛鄙意羌防使藥更
少減其半匪故饒舌無非欲為引掖後來之助

耳

六十

冷痺用巴戟天湯

原治冷痺脚膝疼痛行步艱

難

巴戟天

去心一錢

附子

製

五加皮

各七分

川牛膝

酒炒一錢

石

斛

甘草

炙

草薢

白茯苓

防風

防己

各五分

右水二盞薑三片煎八分空心服

按冷痺之證其風寒濕三痺之氣皆挾北方寒水之勢直有溫之而不易熱者方中之用已戟天為君避矣其附子加皮牛膝石斛茯苓甘草亦大小臣工之意然不用當歸肉桂溫其血分輔君之藥尚有未切草薢反佐防風防已為使則俱當也

六十
七

心痺用犀角散

原治心痺神恍惚恐畏悶亂不

得睡志氣不寧語言錯亂

犀角 羚羊角 人參 沙參 防風 天麻

天竺黃 茯神 升麻 獨活 遠志 麥門冬

甘草

錢各一

龍齒

丹參

分各五

牛黃

麝香

龍

腦

分各一

右為末和諸藥重研令極細每服錢半不拘時
麥門冬湯調下

按此散每服中腦麝纔得一釐五毫且有人參

甘草和胃固氣庶幾可用然二物不過藉以通
心開竅耳原不必多更減三之一為長也

六十
肝痺用人參散 原治肝痺氣逆胸膈引痛睡卧

多驚筋脈攣急此藥鎮邪

人參 黃芪 杜仲酒炒 酸棗仁微炒 茯神 五味子

細辛 熟地黃 川芎 秦艽 羌活各一兩 丹砂

五錢
另研

右為極細末入丹砂再研勻每服一錢不拘時

調下日二服

按厥陰肝臟所主者血也所藏者魂也血痺不行其魂自亂今不通其血而但治其驚此不得之數也方中用參芪益氣以開血當矣其諸養血寧神鎮驚之藥多汎而不切昌嘗製一方以人參為君黃芪肉桂當歸川芎為臣以代赭石之顓通肝血者佐參芪之不逮少加羌活為使蓋氣者血之天也氣壯則血行然必以肉桂當

歸大溫其血預解其凝泣之勢乃以代赭之重
墜直入厥陰血分者開通其瘀塞而用羌活引
入風痺之所緣厥陰主風風去則寒濕自不存
耳錄出以質高明

六十
九

脾痺用溫中法麴丸 原治脾痺發咳嘔涎

法麴

炒

麥牙

炒

白茯苓

陳皮

去白

厚朴

製

枳實

炒麴

各一兩

人參

附子

製

乾薑

炮

當歸

酒洗

甘草

炙

細

辛

桔梗

五錢

吳茱萸

湯炮

三錢

右為細末煉蜜丸梧桐子大每服七八十食
前熱水送下

按脾為太陰之臟其痺必寒濕多而風少此方
溫中理氣壯陽驅陰種種有法但既曰發咳嘔
涎半夏似不可少

七肺痺用紫蘇湯 原治肺痺心膈窒塞上氣不下

紫蘇子

炒

半夏

製

陳皮

去白各一錢

桂心

人參

白

朮

各五分

甘草

二分

右水盞半薑五片棗二枚煎七分不拘時溫服
按肺為相傳之官治節行焉管領周身之氣無
微不至是肺痺即為氣痺明矣蘇子雖能降氣
其力甚輕且桂心半夏之燥人參白朮之泥俱
非肺痺所宜其陳皮雖能下氣然必廣東化州
所產口中嚼試其辣氣直入丹田者為貴今肆
中藥無道地下氣亦非陳皮所勝矣夫心火之
明尅肺金者人之所知而脾土之暗傷肺金者

多不及察蓋飲食入胃必由脾而轉輸於肺倘脾受寒濕必暗隨食氣輸之於肺此濁氣干犯清氣之一端也肝之濁氣以多怒而逆干於肺腎之濁氣以多慾而逆干於肺三陰之邪以漸填塞肺竅其節治不行而痺成矣開肺痺之法昌頗有寸長見寓意等集中茲不贅

七十

腎痺用牛膝酒 原治腎痺虛冷復感寒濕為痺

牛膝 秦艽 川芎 白茯苓 防己 官桂

獨活

各二兩

五加皮

四兩

丹參

薏苡仁

火麻仁

炒

麥冬

石斛

杜仲

炒各一兩

附子

製

地骨皮

乾薑

炮各五錢

右吹咀生絹袋盛之好酒一斗浸春秋五日夏

三日冬十日每服半盞空心食前服日二次

按腎為北方寒水之臟而先天之真火藏於其

中故謂生氣之原又謂守邪之神今風寒濕之

邪入而痺之去生漸遠矣此方防已麥冬丹參

地皮迂緩不切

風門雜方七道

七十

和榮湯

論見前

白朮

川芎

各一錢半

南星

半夏

芍藥

茯苓

天麻

各一錢

川歸

生地黃

熟地黃

牛膝

酸

棗仁

黃芩

橘紅

各八分

羌活

防風

官桂

各六

分紅花

甘草

炙各四分

黃柏

三分

水煎入竹瀝薑汁晨服

七十

急風散

治新久諸瘡破傷中風項強背直口噤

不語手足抽搐眼目上視喉中拽鋸及取箭頭

丹砂

一兩

草烏

二兩半生半熟燒存性未醋淬晒乾

烏頭

生二錢五分與生草烏同

研麝香

一錢另研

右為細末和勻每服五分以酒下血止痛定如神出箭頭先進一服次以藥敷箭頭上

七十

獨聖散

治破傷風久未愈手背強直牙關緊急

立效

蟬蛻

取頭足
淨五錢

右為末好酒一盞煎滾服之立甦

七十

祛風丸

易老方

黃芪

枳壳

防風

枸杞子

芍藥

甘草

地骨皮

生地黃

熟地黃

各等分密丸

七十

四神丹

東坡方

羌活

玄參

當歸

生地黃

各等分或煎或丸服

七十
犀角湯 千金方

治熱毒流於四肢歷節疼痛

犀角 三兩 羚羊角 一兩 前胡 黃芩 梔子仁 射干

大黃 升麻 各四兩 新豆豉 一兩

右方呔咀每服五錢水二盞煎服

按此方壯火內熱熾盛者宜之腸胃弱者當減

去大黃勿用

七十
八牛旁子散 本事方

牛旁子

炒

新豆豉

羌活

各三兩

生地黄

二兩半

黃芪

一兩半

右為細末湯調二錢空心食前日三服

按此方不但不用烏附併不用麻桂凡治血虛
內熱熾盛而欲外解其勢宜倣此推之也

醫門法律卷六